



*Kamis, 28 Nopember 2024*

**Ogen : 1 Korinti 13:7**



**Lit Si Mehuli I bas Kerina**



**1** Korinti 13 megati igelari “pasal kasih”, i ja Paulus nggambarkan keleng ate melampau i kerina perbahanen si mehuli. Ibas ayat enda, Paulus mereken empat karakteristik penting arah keleng ate, maka keleng ate labo terjeng perasaan ntah pe kata-kata tapi tindakan si nyata ras dem alu komitmen.

1. Keleng ate ngasup nggengken kai-kai pe. Keleng ate si tuhu-tuhu la fokus ku bas kesalahen ras kelemahen kalak sideban tapi ngasup nggengken kai-kai pe. Enda labo berarti nutupi mbue dosa alu la mpermasalahken kejahatan, tapi lit pusuh si nggit ngalemi.
2. Tek maka lit si mehuli i bas kerinana. Keleng ate erupaya ngidah si mehuli i bas kalak sideban ras tetap mereken sada kepercayaan. Keleng ate labo sinis ntah pe curiga, tapi mereken kesempatan man kalak sideban guna bertumbuh ras berubah. Tek i bas kerinana lit si mehuli labo ertina jadi naif ntah pe buta nandangi kenyataan tapi lit pusuh si positif ras dem pengarapen.
3. Tetap erpengarapen. Keleng ate lit pengarapen i bas ia si la pernah bene. Aminna pe i bas keadan sulit, keleng ate tetap ngarapken hal si mehuli terjadi. Keleng ate la nukah menyerah asum ngalaken kesuliten ntahpe kegagalen tapi terus ngarap maka Tuhan pasti erdahin guna kiniulin arah kerina situasi.
4. Saber i bas kai-kai pe. Keleng ate bertahan ngalaken erbage ujian, tantangan ras kiniseran. Keleng ate la nukah goyang ntah pe kiam arah masalah, tapi tetap setia i tengah kiniseran. Enda me kualitas keleng ate si dem alu gegeh ras ketabahan. Sabap ietehna maka Tuhan lalap nge ras ia.

➤ *Tetap erpengarapen man Tuhan sabap lit si mehuli i bas IA*